



SIUMUT INATSISARTUNI ILAASORTAT

2. Maj 2012

Inatsisartut suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut Apeqquq:

1. Peqqinnissaqarfiup iluarsartuuteqqinneqarnerani maannamut suut pitsaaqutaasimappat ajoqutaasimappallu nunarput tamaat isigalugu?
2. Qasigiannuguit Peqqissaaviat eqqarsaatigalugu Peqqinnissaqarfiup Qullersaqarfia qaammatini tulliuttuni ukiunilu tulliuttuni sunik pilersaaruteqarpat?
3. Qasigiannuguit Peqqissaaviani sulisut 2010-miit qassit soraarpat, taakkulu soraartut taarserneqassappat?
4. Qasigiannuguit Peqqissaaviani sulisut taarseraallutik sulisarnerat (vagtordning) qanoq inissisimava?
5. Ajutoortoqartillugu napparsimarujussuortoqartilluguluunniit ualikkut nal. sisamat kingorna unnukkut unnuakkullu piareersimanissaq qanoq aaqiivigineqarniarpa?
6. Peqqissaavik Qeqertarsuup Peqqissaaviullu Qasigiannuguit suut assigiinnequtigaat?

(Kristian Jeremiassen, Siumut)

Tunngavilersuut:

Naalackersuisut aperaakka nunarput tamaat eqqarsaatigalugu peqqinnissaqarfiup iluarsartuuteqqinneqarnerani maannamut suut pitsaaqutaasimanersut aamma suut ajoqutaasimanersut.

Qasigiannuguni 1100-it missaani inulimmi efterskoler-imillu atuarfeqalernikumi manna tikillugu peqqinnissaqarfimmi aaqqissuusseqqinneq pitsaanngitsumik kinguneqarsimavoq, tamannalu politikkikkut siunertaanngikkaluartoq qularinngilara kisianni manna tikillugu Qasigiannuguit eqqarsaatigalugu ajorseriaatsit malunnarput.

Pissutsit allaat imaalerput: 2012-mi Maajip 15-aniit ullut tamaasa nal. sisamaniit Qasigiannuguni nakorsiarniaraanni Aasiaat Peqqissaavianut sianertoqassaaq. Tamanna Qasigiannuguni innuttaasunut toqqissisimanannilaq tamannalu aaqiivigineqartariaqarpoq Qasigiannuguni toqqissisimaneq pilerseqqinneqassappat.

Qasigiannuguni innuttaasugut Aasiannut oqarasuaatikkut nakorsiarnissarput kissaatinginngilarput, Naalackersuisullu matumuuna qinnuigaakka tamanna aaqiivigequllugu Naalackersuisummi tamanna akisussaafigimmassuk.

Nunaqqatikka Qasigiarmiut peqqinnissaqarfiup ajortumik sullissilerneru pillugu atsiornernik katersisimapput, tamanna immiini ajunngilluinnarpoq peqqinnissaqarfimmiimmi pitsaanerumik sullinneqarnissamik kissaateqarnermik takussutissiigami.

Arfininngornermi 28. april sapaammilu 29. april 2012 Qasigiannuani innuttaasut 418-it atsiornernik katersiffigineqarsimapput inuttussuserlu qiviaraanni atsiornarit amerlapput tusarneqartariaqarlutillu, taamaammatt Qasigiannuani peqqinnissaqarfimmi aqqiinissaq pisariaqarpoq, peqqinnissaqarfimmimmi aqqissuusseqqikkatta sullissinerup taama ajorseriartiginissaa siunertarinngilarput.

Nalornineq taama Qasigiannuani annertutigitillugu piaartumik akineqarnissara kissaatigaara innuttaasummi nassuiaanneqarnissartik kissaatigaat pisinnaatitaaffigalugulu.